



abegi harrera	«Horregatik, denbora gupidagabea izan arren, oroitzapen batzuk betiko geratzen dira presente, abegi ona egiten diegulako memoriarekin.»	(30)
akuri kuia	«Tira, goazen kaiola honetatik. Horixe da etxe hau: kaiola bat, barruan akuri gaixo bi harrapatuta geratu direnekoa...»	(56)
alderrai ibiltari, noraezean	«...nire bihotza kale amaigabeen alderrai dabilen haur ttiki bat da.»	(59)
alta hala ere	«...hitz eginez ematen zituen orduak eta orduak. Alta , espero zuen azken ume hura ere ez zen jaio.»	(55)
altzo kolkoa	« Altzoan zeukan lehenxeago lorategian guk ikusitako txakur albinoaren burua...»	(51)
anabasa nahastea, saski-naskia	«Bat-batez ulertu nuen zein zen anabasa hartan nuen zeregina.»	(82)
antxintxiketan arineketan, korrika	« Antxintxiketan jaitsi nintzen kalerantz. Arnasoska, izulaborriak jota, galopa zoroan.»	(62)
apa-apan ttipi-ttapa, ibiliz	«Guk txikitan ikusten genituen moilan, elkarri usnaka, apa-apan , euren barkuko gizoni segika tabernaz taberna.»	(67)
argizagi izarra, astroa	« Argizagien gidaria dela uste du, Jainkoak zigortutako aingeru matxinatua.»	(82)
atalas ateburua, ataria	« Atalasa zeharkatu genuen. Lipar batzuetan itxi-usainaz izan ezik ez ginen ezertaz kargutu.»	(36)
atoan segitian, berehala	«Isildu egin zen bat-batean, zerbait esan ala ez pentsatzen. Atoan , hangoaz eta hemengoaz segitu zuen, zeruaz eta lurraz...»	(70)
aurri etxe baten hondakinak	«Nola zitekeen han bizitzea, mundutik aparte, hauts eta aurri artean?»	(55)
barren baina	«Gauzak zehatz-mehatz esaten, barren , ez zuen asmatzen...»	(23)
begiztu sumatu, urrundik ikusi	«Eta gero, uda zoragarri hartan begizten hasitako gure mundu txikia hazten eta hazten ikusiko genuen, elkarrekin, sekulako eta betiko.»	(85)
beilegi horia	«...sostentxo bat atera zuen bere tokaderoko kaxoitik (...). Beilegia zen eta lore txiki bat zuen titizorro bien artean.»	(22)
bekoz beko aurrez aurre, buruz buru	« Bekoz beko neukan gizon morrosko berbalapikoa...»	(63)
benazko egiazkoa, benetakoa	«Errespetu hain benazkoa sortzen zidan, non ez nintzen gai gezurrik asmatzeko.»	(52)
beste errota bateko ogia beste kontu bat, oso	«Onartu, hori beste errota bateko ogia da...»	(80)
bihotz-koilara urdailaren goiko aldea	«Nerabezaroko krisia. Aitak beste modu batera deitzen zion horri: bihotz-koilarako mina.»	(18)
bikor zaldarra, azaleko garaua	«Azala bikor urtsuz, haragi errezko zorrotzoz josita zuen: andre hura bizirik usteltzen zegoen.»	(84)
brastakoan bat-batean, kolpetik	«—Eta zu zer dela-eta ibili zara Solaiz Enea inguruetan —bota zidan brastakoan .»	(42)
bristada isla, tximistada	«Gero, moilako eskaileretan egon ginen berbetan, zapatak kenduta, uretan islaturiko farolen zilarrezko bristadak oinekin apurtzen.»	(31)
butxatu trabatu, ataskatu	«Eta mintzoa butxatuta , ez baikinena kapaz esaldi bakar bat baizik esateko.»	(47)
dirdaitsu distiratsua	«Dolores zegoen etzanda, konortea galduta. Eta ilunpean, bi begi dirdaitsu , neuri begira.»	(62)



durduzaturik asaldaturik, gogo nahasita	«...iruditzen zaidala iraganetik natorrela tunel baten barrutik bidaia zaila eginda legez eta, azkenik (...) durduzaturik geratu naizela...»	(7)
eldarnioka sukar-ametsetan, delirioan	«Dolores eldarnioka zegoen...»	(81)
enpagugarri betegarria, nazkagarria	«Bestelako kirats enpagugarria zen, substantzia nahastuen usain ustela...»	(50)
erdu etorri, hurbildu	«— Erdu , gazteok. Erdu beldurrik gabe.»	(50)
estreinakoz lehenengoz, lehen aldiz	«Alain ikusi nuen. Ez estreinakoz , institutuan baitzebilen maila bat gorago.»	(13)
gandu lausoa, laino mehea	«...Garraitzeta gandu mehetan bilduta ageri zen, zeta-paperean legez.»	(49)
gangar eroa, harroa	«Gero hanka egiten nuen saltzaileen oihu gangarra belarrietan sartuta...»	(18)
gangartu harrotu	«Hego-hotsa sumatu nuen, hegaldatu nahi eta ezin duen hegaztiarena bezalakoa. Gortinak ziren, haizeak gangartuta .»	(78)
giltzarrapo sarrail mugikorra, kandadua	«Alferrikoa sarrera galarazteko, giltzarraporik gabe jarrita baitzegoen bi barroteren inguruan, Jesus batean kentzeko legez.»	(26)
goizalba egusentia	«Suhiltzaileak heldu zirenerako goizalba zen eta etxea osoro kiskalita zegoen.»	(87)
gomuta oroipena	«Amamaz dudan gomuta , beraz, gazi-geza da, hil nahirik bizi baitzen...»	(10)
gurbitz zuhaiska mota bat	« Gurbitz baten ondoan topa genuen, hesitik hurbil, azalak zimur-zimur euri-zaparradatan egon izanagatik.»	(35)
gurrunga zurrunga	«Otoz-otoan, gurrunga bat, marrua, xaxatua izan den animaliaren murruskaren moduko orro lazgarria entzun genuen.»	(37)
hilgura hiltzeko gogo	«Hamasei urte nituela, gure amama hilguraz bizi zen.»	(9)
huntzorri landare igokaria, huntza	«Murruren gainaldean, huntzorri sarriak aterpe antzekoa eratuta zeukan.»	(26)
hurreean agian, akaso	«Umeok herritik urrundu ez gintezen asmatutako ipuina izango zen, hurreean .»	(33)
ilaurtu abortatua	«Ume bat izan nahi zuten, kosta ahala kosta, baina ezin. Ilaurtuak bai, izan zituen, bata bestearen ondoren.»	(54)
inarrosi astindu	«Jonasen heriotzak goitik behera inarrosi ninduen, zartailu batek bezala.»	(71)
inkesa kexa, intziria	«...amama gaixotu zenetik etengabe entzun ohi nituelako haren marrumak eta inkesak .»	(9)
intziri oinazezko kexa edo oihua	«Suzko beste irudi bat zetorren eskaileretan behera, lau-hankatan, zaunkak eta intziriak letagin artetik jaurtiz.»	(86)
iraizkin gorozkia, uzkitik	«...erromero-alkohol tanta batzuk zabaltzen genituen logelan, iraizkinen usain txarra ezabatzeko.»	(51)
irrika grina, nahi bizia	«...oroitzeko beldurrez baina irrikaz aldi berean.»	(7)
isipu ur bedeinkatua jaurtitzeko	«...abadeen sotanen zirri-zarrak, ur-ponte higatuak, isipu lurrintsuak eta arantzazko koroak etortzen zitzaizkidan burura.»	(10)
istil putzu txikia	«Pinadiko zokondo ospel batean Liapeko burdinur-iturria zegoen, goroldiotan bildurik eta oinetako istila ur-dilistaz apindurik.»	(33)



itaundu galdetu	«Etxera iritsitakoan, azala bera urtzeko moduko lotsa lotsatuaz, itaundu nion amari...»	(22)
itsas mihilu itsas labarretako landarea	«...eta bukaeran muino bat, basabelarrez mukurru, itsas mihiluz gehienbat.»	(18)
izulaborri izua, panikoa	«Antxintxiketan jaitsi nintzen kalerantz. Arnasoska, izulaborriak jota, galopa zoroan.»	(62)
izurdearen kanikak arranopola!, arraoia!	«— Izurdearen kanikak! Esan lehenago ba!..»	(65)
jitoan korronteen menpean	«Besterik gabe idazten nuen askotan, esatekoa aukeratzeko, berbaroarean jitoan .»	(19)
kargutu ohartu, jabetu	«Eta orduantxe kargutu nintzen, egiak, batzuetan, gezurrak baino alderdi krudelagoak izaten dituela.»	(69)
kinada estimulua	«Batzuetan gertatzen da kanpotik etortzen zaigula geure buruaz konturatzeko kinada , kanpotar batek ireki behar dizkigula begiak...»	(21)
kopalet saski-mota txikia	«Bazter batean, pikotxak eta palak zeuden, lurra batzeko kopalet pare bat, sokak...»	(62)
kosta ahala costa edozelan ere, denaren	«Bila joango nintzen albait arinen. Berreskuratu egingo nuen kosta ahal costa .»	(27)
kukupraka arrosa koloreko lorehun	«Errepide ondoan jesarri ginen, kuku-prakaz beteriko harrizko karelean.»	(37)
kusku krisalida, estalgarria	«...eta, etzanguan, kusku likatsu baten barruan bezala, Alain biluzik, lo antzean.»	(83)
lahartuta laharrez edo sasiz betea	«Etxaldea ia-ia lahartuta zegoen, sasien erasoari men eginda.»	(50)
laket gustuko	«Bakardadea laket duzu, hor behean ematen duzun denbora aintzat hartuz gero, behinik behin.»	(52)
lantzean-lantzean noizean behin	«Kamiseta bat eta safariko galtza motzak zeuzkan jantzita. Lantzean-lantzean , ederra dela dakienaren irriño artifiziala ateratzen zitzaion.»	(30)
larderia beldurra	«Harrezkero ez zen atera, herrentasuna besteko larderia geratu zitzaiolako.»	(9)
lartxo gehiegitxo	«Pelikula lartxo ikusi dugula esan eta barre egingo dute geure kontura...»	(45)
leinargitsu noblea, aristokrata	«...harpa bat zegoen, dama leinargitsuek aisialdirako betidanik maite izan duten musika-tresna.»	(79)
lipar unea, momentua	«Atalasa zeharkatu genuen. Lipar batzuetan itxi-usainaz izan ezik ez ginen ezertaz kargutu.»	(36)
lorratz arrastoa	«Egun hartan, bezperako euriaren lorratzak ageri ziren errepidean, han-hemenka.»	(18)
lorrindu nahastu, hondatu	«Heriotza zer den geroago ikasten dugu, maite ditugunak galtzean bitzita lorrintzen hasten zaigunean.»	(61)
maizter errentaren truke bizi dena	«Garraitzetako etxe eta lur asko eurenak izan dira eta baserritarrak izan dituzte maizter mendetan zehar.»	(40)
malmutz maltzurra	«Atso malmutzak ez zuen nahi inork aurpegia ikusterik.»	(69)
marrantatsu (ahots) zakartua	«Ahots marrantatsu batek eten zuen minutu hartako tinka.»	(50)
marru orroa, animalien oihua	«...eta hara non marru amorratu bat sentitu nuen, gur-gur erdiragarria...»	(62)



mirabe morroia	«Sekretu bat aitortzeak sekretu horren mirabe bihurtzen gaituela erabaki nuen.»	(64)
moila kaia	«Guk txikitan ikusten genituen moilan , elkarri usnaka, apa-apan, euren barkuko gizona segika tabernaz taberna.»	(67)
mukuru goraino beterik	«...eta bukaeran muino bat, basabelarrez mukuru , itsas mihiluz gehienbat.»	(18)
mutxikin hondakina	«Zigarro- mutxikin bat utziko zuten amatatu gabe eta hara!»	(87)
nabartu kolore askoz osatua	«Hormak nabartuta zeuden, karea zartaturik.»	(49)
narritatu handitua, minberatua	«...Alainen zakil narritatua eta Alainen haziak utzitako distira likina antzeman nituen, tristeziatz beterik.»	(84)
nini umea, haurra	«Ilaurtuak bai, izan zituen, bata bestearen ondoren. Jaio orduko galtzen zituen ninitxo gizajoak.»	(54)
oinaze mina, sufrimendua	«Dolores, oinazez bizi eta oinazez hil zen.»	(82)
onez onetara asmo onez	«Jakina, inor ez da ibiltzen ezezagunei gonbiterik luzatzen onez onetara .»	(13)
orezta larruazaleko orban txikia	« Orezta bat zuen bular gainean, eskotean, ilgoraren itxurakoa.»	(53)
ospel laiotza, toki ilun samarra	«Pinadiko zokondo ospel batean Liapeko burdinur-iturria zegoen...»	(33)
otoz-otoan ezustean, ustekabeen	« Otoz-otoan , gurrunga bat, marrua, xaxatua izan den animalia murruskaren moduko orro lazgarria entzun genuen...»	(37)
papar bularra	«(...) biharamunean berriz egotekotan geratu ginenean, ilargiaren antza zuen sentiera biribil batek bete zidan paparra .»	(31)
parrastan asko eta denak batera	«Gertaera haien berri jaso ahala, parrastan otutako galdera guztiak murriztuz zihoazen.»	(54)
pikardaturik orbanetz beterik	«Bide nagusia goroldioz pikardaturik zegoen eta labainkorra zen.»	(60)
pintano zuri-beltza, pintoa	«Zokondoan, upel baten azpian, arratoi-txakur pintano bat zegoen, burua hanken artean.»	(67)
pirritan maldan behera biraka	«Halaxe, gezurraren elur-bola biribilari sakatu nion pendizean behera. Gezurra pirritan hasi zen...»	(65)
potin txalupa txikia	«Zerumugan, pasean zihoan zamaontzi baten fokuak gailendu ziren, eta hurrago potinen kriseilu gorri-berdeak.»	(37)
poto egin huts egin	«Sinesgarria zen dena, baina detaile batek poto egin zuen amamaren kontaeran...»	(42)
potxua neskatxa	«—Zer, potxua ? Hobeto zaude?.»	(63)
pusla larruazaleko ur batua	«Eguzkiak puslak ateratzen dizkit eta zapi hau ez da nahikoa kanpoan luzaro egoteko.»	(55)
salabardo arrantzaleen sareko zakua	«Ezjakinarena eginez, salabardo arrimatu nuen ea neure komenientziako arrainen bat harrapatzen nuen.»	(68)
saldoka talde handitan	«Kaioak saldoka zebiltzan, asaldatuta jaietako txapliguen erruz.»	(37)
sarri(a) ugaria	«Murruren gainaldean, huntzorri sarriak aterpe antzekoa eratuta zeukan.»	(26)



senperrenak ikusi asko sufritu	« Senperrenak ikusi genituen arrazionamentoa zela eta.»	(41)
talaia begiztatzeko toki garaia	«Helduen talaiatik ikusiz gero (...) oraindino galtzeke egon ohi den garai zorionsua.»	(7)
teke-meke gorabehera, arazoa	«Bizitzako teke-mekeez akituta zegoen, heriotzaren egarriz.»	(9)
tostarteko arrantzale soila, arrunta	«Aitaren tostarteko marinela baten emaztea pasatu zen gure kaletik arin-arinka, gaueko ordu txikietan deika.»	(17)
tupustean ustekabean	«Gorputzaren mezuak banituen, baina aldakuntzaren segurantzia tupustean eskuratu nuen...»	(21)
txapligu suziria	«Kaioak saldoka zebiltzan, asaldatuta jaietako txapliguen erruz.»	(37)
txaraka zuhaiskaz osatutako basoa	«Koadernoan nire bizitzakoak zeuden idatzita eta ez nuen gura inork aurkitzerik, txarakako katamixar gizajoak izanik ere.»	(27)
txilinbuelta itzulipurdia	«Urdailak txilinbuelta egin zidan. Istorioaren puska solteak elkarren artean itsasten hasi ziren.»	(69)
txitxirriduta zeharo kiskalita	«Lucille ohean erreta hil zen, logelan giltzapetuta, txitxirriduta .»	(55)
uhuri oihu luzea, ulua	« Uhuri batek erdibitu zuen gaua: Lucilleren alarauak.»	(86)
ukaldi kolpea	«Ezohiko doinua. Ez zen olatuen ukaldia harkaitzen kontra, ezta harantzagoko errepidetik zihoazen autoen burrunba.»	(25)
ur-dilista ur geldoetako landare txikia	«Pinadiko zokondo ospel batean Liapeko burdinur-iturria zegoen, goroldiotan bildurik eta oinetako istila ur-dilistaz apindurik.»	(33)
ur-ponte bataiatzeko harrizko ontzia	«...abadeen sotanen zirri-zarrak, ur-ponte higituak, isipu lurrintsuak eta arantzazko koroak etortzen zitzaizkidan burura.»	(10)
zeutzan etzanda zeuden	«...eta errukirik gabe juzkatzen genituen apaingarririk gabeko hilobietan zeutzanen senideak.»	(61)
zira euritarako soingainekoa	«Doloresen zirari erreparatu nion panteoien esparrurantz zihoala.»	(60)
zizili-zozolo txarto ahoskatuz, zipipasa	«Berba egiteko modua ere... zizili-zozolo egiten zuen eta perikitoen kutsuaz esaten zituen berba batzuk...»	(69)
zurtuta harrituta	«Alain zurtuta geratu zen.»	(73)